



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Fratri Rainerio.

urn:nbn:de:hbz:466:1-20006

stram presentiam veniens, cum diutius expectasset, tandem quidam se Capituli nomine presentavit: qui de procuratione sua literas quasdam ostendens, contra eum proposuit quae sequuntur; quod scilicet veritate tacita, & in excommunicatione positus, literas impetravit, & talibus Romana Ecclesia non consuevit ecclesiastica beneficia imperiri; & quod unus solus de tribus executoribus mandatum apostolicum fuerit executus, propter quod, & quoniam executorem ipsum tanquam consanguineum ipsius P. suspectum habebat, ante executionem Capitulum ad sedem apostolicam appellavit. & quod ipse P. de non vacante praebenda fuit, quia jam alij ex quo vacaverat collata fuerat, investitus. Cujus objectionibus responsum fuit taliter ex adverso, quod si excommunicatus tunc temporis extitisset, quod penitus denegabat, hoc ab adversariis, qui ei ferè per biennium communicaverant, eumque pro non excommunicato habuerant, non poterat allegari. Executorem autem non solum in executione processisse illa ratione dicebat, quia tam suis quam alterius partibusungebatur. Appellationem verò Capituli nullam dicebat, cum fuisset inhibita in rescripto. Et licet dicatur quod ex secundo delegato & a suspecto iudice liceat appellare, illud tantum in iudicibus & non in executoribus locum habet, a quibus appellari non potest, nisi modum executionis excedant. Quod autem de vacante fuerit investitus, & per literas executoris se probasse dicebat, & in partibus illis, si opus esset, melius probaturum. Cumque super his & aliis coram eodem Cardinale diutius litigassent, tandem habito prudentum consilio irasententialiter diffinivit, ut si praenominatus P. probare poterit quod priusquam praebenda vacavit, de ea vacante antequam alius fuerit investitus, ipsam de cetero possideat in quiete, nisi contrarium pars adversa probando poterit prevalere, vel quod tunc temporis excommunicatus fuisset, & vitatus ab eis, quo literas impetravit. Nos ergo quod a praedicto Cardinali rationabiliter factum est, ratum habentes, per apostol. vobis scripta mandamus quatenus super praemissis articulis, utrum praebenda tempore investitura vacaverit, & Clericus excommunicatus fuerit quando literas

impetravit, & a Canonicis evitatus, inquiratis diligentius veritatem, & pro varietate probationum latam a Cardinale sententiam, auctoritate nostra freti, faciatis appellatione remota inviolabiliter observari. Si verò postquam idem Clericus appellationem legitime interpretatus fuerit, in ipsius praedictum factum est aliquid de praebenda, sicut justum fuerit, in irritum revocetis. Nullis literis &c. praeter assensum partium &c. Testes &c. cogantur. Quod si omnes &c. duo vestrum &c. Datum Romae apud sanctum Petrum VIII. Idus Iunii.

FRATRI RAINERIO.

REferente dilecto filio magistro scholarum Bracaren. Ecclesie nuncio & Clerico carissimi in Christo filij nostri S. Illustris Regis Portugalensis, nostris est auribus intimatum quod cum inter ipsum & illustrem Regem Castellae pacis foedera intervenerint, & utrinque fuerint iuramentis ab ipsis Regibus & eorum vassallis corporaliter praestitis confirmata, nunc quidam homines pestilentia, qui gloriantur cum male fecerint, & exultant in rebus pessimis, inter eosdem Reges pro dilectione odium seminantes, ad rixas & contentiones eos inducere nequiter elaborant. Quia verò nemini licet iuramenta, quae honestatem continent, violare, discretionis tuae per apostolica scripta mandamus quatenus praefatos Reges & eorum homines, ut pacem adinvicem habeant & observent, sicut inter eos appareret per instrumentum publicum convenisse, sollicitè moneas & inducas, & si opus fuerit, per excommunicationis & interdicti sententias ad id eos appellatione remota compellere studeas, sicut videris expedire. Si quid autem contra formam pacis utrinque inveneris attentatum, per tuam sollicitudinem appellatione remota facias emendari. Datum &c. ut supra, Pontificatus nostri anno primo.

Scriptum est Regi Portugalesi super hoc.

¶

*Epist. 249.
Vt Portugalli
& Castellae
Reges periculum
& iurjurando
confirmatum
foedus servare
cogant.*